



1. Radunanza cumünela dals 31.1.2018 a las 20.00 in sela polivalenta S-chanf

Presidi: Gian Fadri Largiadèr

Actuar: Gian Luca Vitalini

Preschaints: Preschaints sun 27 votantas e votants

Büro electorel: Robert Angelini, Daniel Platzer

Tractandas:

1. Protocols da las radunanzas cumünelas dals 15 november 2017 e dals 13 december 2017
2. Concept da la rait electrica – investiziuns da fr. 6'000'000.00
3. Revisa parziela da la constituziun cumünela
4. Analisa da prievel e ris-ch – collavuraziun cun la vschinauncha da Zuoz
5. Varia

La glista da tractandas vain approveda sainza objecziuns.

Protocol: Il protocol da las radunanzas cumünelas dals 15 november e dals 13 december vegnan refüsos aunch'üna vouta, causa ch'ün votant pretendava, cha'ls protocols nu d'eiran publichos illa chascha naira, respectivmaing sülla pagina d'internet.

1 0.209 Contrats e cunvegnas Conecept d'electricited 2020 – investiziun da fr 6'000'000.00

A la radunanza cumünela dals 27 avrigl 2016 es gnieu decis unanimn, cha l'attach da la forz'electricica da S-chanf vain tacheda vi da la lingia da colliaziun da la EKW. In quist connex es previs da surpiglier la rait da la Repower. L'attach da la forz'electricica tres las OEE vegn realiso quist an cul fabricat da la lingia da la Swissgrid da Pradella – La Punt. Impü es pussibel tenor contrat da l'an 1990 S-chanf/BK da surpiglier la rait da la forz'electricica pels 30 settember 2020 (desditta fin il pü tard la fin settember 2019).

In quist connex ho sar Arthur Brüniger, cusglier per la vschinauncha da S-chanf, construieu ün concept da forz'electricica 2020. Sper las singulas fasas dal provedimaint da forz'electricica cuntegna il concept eir üna tabella dals cuosts per la vschinauncha da S-chanf. Las investiziuns totelas importan fr. 6'000'000.00 (excl. isp) e sun spartidas sü suls ans 2018 fin 2024.

Per survgnir üna sgürezza da planisaziun sur l'inter temp da realisaziun e per pudair fer las prümas investiziuns quist an, dess gnir vuscho giò a l'urna ils 04 marz 2018 sur l'inter import d'investiziun da fr. 6'000'000.00 (excl. isp). Prubabel po gnir l'import d'investiziun finanziau tres egens mezs.

In connex cul concept da forz'electricca es da manzuner, cha per mincha singul abitant da S-chanf as sbassan ils cuosts da la forz'electricca a partir da l'an 2021 per ün terz. (Conguel cuosts da forz'electricca vschinauncha da Zernez e Scuol cun nossa vschinauncha; Brüniger 08.2017). Zieva gronda discussiun es gneiu aderia la proposta da la suprastanza cumünela sainza cuntravusch.

2 0.110 Legislativa

Revaia parziela da la constituiun cumünela

La cumischiun chi'd es gnida incumbenzada da la radunanza cumünela dals 20 avrigl 2013 cun la revaia da la constituiun, da las ledschas ed dals uordens da la vschinauncha da S-chanf, suottametta cotres üna revaia parziela da la constituiun. Impü suottasto üna revaia da la constituiun a la votaziun a l'urna (constituiun art. 31). La radunanza cumünela propuona d'approver seguainta revaia parziela da la constituiun a maun da la votaziun a l'urna dals 04.03.2018:

Art. 16 ³Commembers da la suprastanza cumünela nu paun esser al medem mumaint commembers da la **suprastanza da la** corporaziun vschinela.

Art. 23 ¹Suot varia ho mincha votant chi fo part a la radunanza cumünela, il dret da fer propostas da tuot **gener**.

Art. 39 ²In cas da tschernas cumplessivas vegnan quintedas insembel tuot las vuschs valablas dals candidats e partidas tres la quantited **dobla** dals mandats libers, **la cifra arundida sül prossem inter, es la magiurited absoluta**.

Art. 47 ³A la suprastanza cumünela suprasto que da fer las seguaintas tschernas e nominas:

2. **La cumischiun da planisaziun permanenta**, la cumischiun da fabrica e la cumischiun da lavinas, il rapreschantant illa cumischiun dals fondos, la cumischiun da turissem e duos rapreschantants illa cumischiun per fats sociels.

Art. 48 ²**Il president cumünel cun sieu substitut, u ün da quels duos cul chanzlist cumünel haun insembel** la suottascripziun giuridicamaing valabla per la vschinauncha.

Art. 53 ²La cumischiun da gestiun po, ~~in-acconsentimaint cun la suprastanza cumünela,~~ incumbenzer **impü** l'Uffizi da vschinaunchas dal chantun Grischun u a perits privats cun l'examinaziun da la contabilted e da la gestiun.

Art. 72 Quista constituiun rimplazza ils tschantamaints dal 2007. Cun l'entreda in vigur sun abolidas tuot las prescripziuns da la vschinauncha chi staun in cuntradiciun cun quella.

Quista constituiun es gnida approveda da la radunanza cumünela dals 01.07.2015. La revisiun parziela dals artichels 47 alinea 3 e l'artichel 56 f es gnida approveda da la radunanza cumünela dals 30.08.2016. **La revisiun parziela dals artichels 16 alinea 3, artichel 23 alinea 1, artichel 39 alinea 2, artichel 47 alinea 3 punct 2 artichel 48 alinea 2 ed artichel 53 alinea 2 es gnida approveda a la votaziun a l'urna dals 04.03.2018.**

3 1.600 Protecziun civila
Analisa da prievel e ris-ch – collavuraziun cun la vschinauncha Zuoz

Vschinaunchas sun expostas a multifaris prievels chi paun periclitar la populaziun u lur fundamaint da vita. Ils prievels paun esser, üna bouda chi ho lur origen illa natüra, our da technologies u tres il svilup da la societad. Cun che prievels cha nossa vschinauncha es confruntada concret, e quaunt relevant cha quellas sun per nossa vschinauncha ed impustüt per la defaisa civila, as lascha valüter a maun d'ün'analisa da prievels e ris-chs.

La ledscha da la defaisa civila dal chantun Grischun manzuna i'l art. 7, cha las vschinaunchas sun svest respunsablas svest pel provedimaint sül territori da la vschinauncha. Ils prievels, chi capitan u chi haun ün'influenza sül territori da la vschinauncha staun gnir analisos ed eruieus tenor necessited.

L'an passo ho la suprastanza cumünela introdüt ils pass necessaris. Eir la vschinauncha da Zuoz ho trat prümas imsüras in quista dumanda. Tres la circumstanza, cha las duos vschinaunchas coopereschon già culla cumischiun da lavinas, las gestiuns dal forestel e dal servezzan tecnic sun previs da surpiglier caricas importantas i'l dispositiv da prievels. Ün'analisa cumünaivla da prievels fo sen.

Tenor constituziun cumünela art. 8 punct 8 es suottamissa üna collavuraziun traunter las vschinaunchas a l'approvaziun da la radunanza cumünela.

La suprastanza propuona a la radunanza cumünela d'approver üna collavuraziun cun la vschinauncha da Zuoz per elavurer quist'analisa da prievel e ris-ch e da realiser quella.

La proposta da la suprastanza cumünela es gnieu aderieu da la radunanza cumünela cun üna cuntravusch.

4 9.999 Varia

Il president renda attent sül arrandschamaint public dals students da la HAFL in gövgia zeivamzedi, ils 01. Favrer 2018 i'l Ospiz Chapella.

Il president serra la radunanza a las 21.50 ed ingrazcha a tuot ils preschaints per lur cumparsa.

In buna fè

Il president:

L'actuar:

G. Largiadèr

G. L. Vitalini